

आकाशवाणी

खबरां

1. थल सेना अध्यक्ष जनरल उपेंद्र द्विवेदी होरें आखेआ ऐ जे कर हालात बनदे न ते भारती सेना पूरी चाल्ली आप्रेशन सिंदूर 2.0 आस्तै तैयार ऐ।
2. म्यांमार दे राष्ट्रपति यूमिन अंग हलैंग होरें बोध गया बिहार च महाबोधी मंदर च प्रार्थना करियै अपने 5 रोजा भारत दौरे दी शुरूआत कीती।
3. प्रमुख रक्षा अध्यक्ष जनरल अनिल चैहान होरें अज्ज नमीं दिल्ली च राष्ट्री युद्ध स्मारक पर त्रोंनें सेनाएं आसेआ दित्ते गेदे गार्ड आफ आनल दे कन्नै सैन्य सेवाएं शा विदाई लैती।
4. बिहार च बद्दल फट्टने, भारी बरखा ते शमानी बिजली पौने आहले बक्ख-बक्ख हादसें च 7 लोकें दी मौत होई गई ऐ।
5. अमरीका दे रक्षा सचिव पेटे हेगसेथ होरें आखेआ ऐ जे अगर कुसा समझौते पर नेही पुज्जेआ गेआ ते ईरान खलाफ सैन्य कार्रवाई परतियै शुरू करने आस्तै वाशिंगटन तैयार ऐ।
6. मौसम विभाग नै किश राज्यों च खरी मती बरखा पौने दी मेद दस्सी ऐ, बद्दल गरजने, ओले पौने ते गर्मी दे प्रकोप जनेय हालात देश दे बक्ख-बक्ख हिस्सें च बने दे रौहडन।

<><><><><><>

**Army-Op Sindoor**

सेना दे प्रमुख जनरल उपेंद्र द्विवेदी होरें अज्ज आखेआ ऐ जे कर हालात सैन्य कार्रवाई करने आहले बनदे न ते भारती सैन्य बल पूरी सतर्कता कन्नै आप्रेशन सिंदूर 2.0 आस्तै तैयार ऐ। खडकवास्ला, पुणे च नेशनल डिफेंस अकैडमी दे 150में कोर्स दी पासिंग आउट परेड गी संबोधित करदे होई जनरल द्विवेदी होरें आखेआ जे आप्रेशन सिंदूर नै एह साबित करी दित्ता ऐ जे रक्षा चुनौतिएं दे परते च भारत तुरत कार्रवाई करने च पूरी चाल्ली सक्षम ऐ। जनरल द्विवेदी होरें आखेआ जे आप्रेशन सिंदूर एह दर्शादा ऐ जे देश दा धेइया मजबूत ऐ ते सैन्य बल दा जोश ते हौसला बी तरीफ लायक ऐ।

<><><><><><>

**Myanmar-Prez.**

म्यांमार दे राष्ट्रपति उ मिनअंग हलैंग होर अज्ज अपने 5 दिनें दे भारत दौरे दरान बिहार च गया पुज्जे। विश्व प्रसिद्ध महाबोधी मंदर च जाइयै उनें पूजा-अर्चना कीती। पवित्तर बोधी बूटे हेठ उनें ध्यान बी लाया। एह उयै बूहटा ऐ जेदे आस्तै आखेआ जंदा ऐ जे एहदे हेठ गै भगवान बुद्ध होरेंगी प्रबोधन हासल होआ हा। अपने दौरे दरान म्यांमार दे राष्ट्रपति होरें बाकरोड च ऐतिहासिक सुजाता मंदर च बी मत्था टेकेआ ते बरमा मठ च बी गए। अज्ज उंदा संझा नमीं दिल्ली पुज्जने दा कार्यक्रम ऐ। राष्ट्रपति उ मिनअंग हलैंग होर भारत दे विदेश मंत्री डा. एस जयशंकर हुंदे कन्नै मिलंगन।

<><><><><><>

**PM-MKB**

प्रधानमंत्री नरेन्द्र मोदी होर कल ऐतवारें दिने 11 बजे आकाषवाणी दे अपने 'मन की बात' कार्यक्रम राएं देष-बदेष च रौहने आहले लोकें कन्नै बचार सांझे करडन। एह इस माहवार रेडियो कार्यक्रम दी 134मीं किष्प होग, जेहदा प्रसारण आकाषवाणी ते दूरदर्शन दे समूलचे नेटवर्क उप्पर कीता जाग। एहदे अलावा प्रधानमंत्री हुंदे दफ्तर, सूचना ते प्रसारण मंत्रालय ते आकाषवाणी ते दूरदर्शन दे यू-ट्यूब चैनलें पर बी एहदा प्रसारण होग। इस कार्यक्रम गी आकाशवाणी खबरें दी वैबसाइट [www.newsonair.com](http://www.newsonair.com) ते newsonair मोबाईल ऐप्प पर बी प्रसारित कीता जाग। आकाषवाणी आसेआ हिंदी प्रसारण दे तुरत मगरा, एहदा इलाकाई भाशाएं च अनुवाद बी प्रसारण कीता जाहग। इलाकाई भाशाएं च एहदा अनुवाद प्रसारण रातीं 8 बजे परतियै बी प्रसारत होग।

<><><><><><>

## NTA CUET Technical error

म्तेहानें सरबंधी राश्ट्री एजेंसी - एनटीए ने दस्सेआ ऐ जे ओहइदे सांझेदार टीसीएस दी तकनीकी खराबी दे कारण अज्ज किश म्तेहान केंद्रें पर सांझा युनिवर्सिटी दाखला म्तेहान - सीयूईटी - यूजी - 2026 दी शुरुआत चिरें होई। एनटीए ने सोशल मीडिया पोस्ट च दस्सेआ जे उं'दी समस्या दा हल कडुी लैता गोआ ऐ ते एहू जकीनी बनाने लेई जे कुसै बी विद्यार्थी गी असुविधा नेई होऐ, म्तेहान पूरी समें-सीमा दे कन्न7ै आयोजित कीता गोआ ऐ। एजेंसी ने दस्सेआ जे दपैह्नी आहले सत्र दा समें संशोधित कीता गोआ। विद्यार्थीं गी दपैह्नी ढाई बजे शा दाखला दित्ता गोआ ते म्तेहान तय समें 3 बजे दे बजाय 4 बजे थमां शुरू होआ। एनटीए ने दस्सेआ जे बडुले दे सत्र च हाजिर होने आहले विद्यार्थीं गी म्तेहान लेई पूरा समें दित्ता गोआ ऐ ते उं'नेगी पेपर पूरा करने दे बाद गै उत्थुआं जाने दी इजाजत दित्ती गेई। एजेंसी ने विद्यार्थीं ते उं'दे अभिभावकें गी हुई दी असुविधा लेई खेद बी जताया ऐ।

<><><><><><>

## Trump-Iran

अमरीका दे राश्ट्रपति डॉनल्ड ट्रम्प होरें व्हाइट हाउस च अपने आला दर्जे दे सलाहकारें कन्नै द'उं घैंटें तगर बैठक कीती। एहूदे च ईरान दे कन्नै युद्धविराम बधाने दे मकसद कन्नै समझौते दी संभावना पर चर्चा कीती गेई। सिचुएशन रूम च होई दी एहू बैठक कोई स्पष्ट फैसला लैते बिजन गै संपन्न होई गेई। बैठक शा पैहले, राश्ट्रपति ट्रम्प होरें आखेआ जे युद्धविराम गी बधाने दे समझौते लेई ईरान गी होर्मुज जलडमरूमध्य गी परतियै खोलना होग ते परमाणु थेहार विकसित नेई करने दी वचनबद्धता बी जतानी होग। कन्नै गै अमरीका गी अपने समृद्ध यूरेनियम भंडार गी हटाने दी इजाजत बी देनी होग। हालांकि, ईरान दा अखना ऐ जे ओहदा परमाणु कार्यक्रम छडा ओहूदे नागरिक उद्देश्यें लेई गै ऐ।

<><><><><><>

## Defence Secretary Iran

अमरीकी रक्षा सचिव पेटे हेगसेथ होरें आखेआ ऐ जे वाशिंगटन ईरान खलाफ सैन्य कार्रवाई परतिए शुरू करने लेई पूरी चाल्ली तैयार ऐ जेकर कुसा समझौते पर पुज्जेआ नेई जंदा। शांगरी ला वार्ता गी संबोधित करदे होई हेगसेथ होरें आखेआ जे अमरीका कश पूरी दुनिया ते इस क्षेत्र च काफी सैन्य अमला ऐ ते देश कुसा बी हालात कन्नै निब्वडने आस्तै पूरी चाल्ली तैयार ऐ।

<><><><><><>

## Gen Chauhan Retired

प्रमुख रक्षा अध्यक्ष जनरल अनिल चौहान होरें अज्ज नमीं दिल्ली च स्थित राश्ट्री युद्ध स्मारक पर त्रौनें सेनाएं आसेआ दित्ते गेदे गार्ड ऑफ ऑनर दे कन्नै सैन्य सेवाएं शा विदाई लैती। एहू समारोह देश दे सर्वोच्च सैन्य अधिकारी दे रूप च उं'दे विशिष्ट कार्यकाल दे समापन दा प्रतीक हा। समर स्मारक पर पुशपांजलि अर्पित करने परैन्त, जनरल चौहान होरें आखेआ जे त्रौनें सेनाएं आसेआ दित्ते गेदे गार्ड ऑफ ऑनर दे कन्नै सेवानिवृत्त होना, उं'दे लेई बडे गै सम्मान आहली गल्ल ऐ। च'उं दहाकें शा मते दी सेवा दे बाद जनरल चौहान होरें अपने कार्यकाल गी संदोखे आहला ते उत्कृष्ट करार दित्ता। 1981 च भारती सेना च कमीशन हासल करने आहले जनरल चौहान होरें 40एं ब'रें शा मते समें धोड़ी देशै दी सेवा कीती ते अपने शानदार फौजी करियर दे दरान केई महत्वपूर्ण कमान ते स्टाफ औहद्धें पर रेह। उं'नेगी परम विशिष्ट सेवा मेडल, उत्तम युद्ध सेवा मेडल, अति विशिष्ट सेवा मेडल, सेना मेडल ते विशिष्ट सेवा मेडल कन्नै सम्मानित कीता गेदा ऐ। लेफ्टिनेंट जनरल एन.एस.राजा सुब्रमणि जनरल चौहान हुं'दी थाहै पर देसै दे अगले प्रमुख रक्षा अध्यक्ष होडन।

<><><><><><>

## Bihar-ACC

तूफान, बरखा ते आसमानी बिजली पौने दे बक्ख-बक्ख हादसें च बिहार च 7 लोकें दी मौत होई गेई ऐ। गया च 3 ते औरंगाबाद च दो लोकें जान मोहाई दित्ती ऐ। सारन ते खगारिया जिले थमां बी 1-1 मौत दर्ज कीती गेई ऐ। इनें माडी घटनाएं पर बसोस जाहिर करदे होई मुखमंत्री सम्राट चौधरी होरें मरने आहलें दे परोआर आस्ते 4-4 लक्ख रपे दी माली सहायता दी घोशणा कीती ऐ।

<><><><><><>

## CEC-Elections

मुख्य चुनावों आयुक्त ज्ञानेश कुमार हों अज्ज आखेआ जे भारत च चुनावों पूरी चालली संविधान, चुनावों सरबन्धी कनून ते चुनावों आयोग दे दिशा-निर्देशों मताबक बराए जंदे ना। निर्वाचन आयोग दी नुमाइंदगी करने आले वकीलें दे दुए राश्ट्री सम्मेलन गी संबोधन करदे होई कुमार हों दस्सेआ जे तकरीबन 1 करोड़ 80 लख कर्मिणं गी लोकसभा चुनावों दरान तैनात कीता गेआ हा तां जे पारदर्शिता ते सेही तरीके कन्नै चुनावों होना।

<><><><><><>

## Hindi Patrakarita Divas

अज्ज हिंदी पत्रकारिता दिवस मनाया जा'रदा ऐ। हिंदी च पत्रकारिता दी शुरूआत गी उजागर करने आस्तै हर बरे 30 मई गी एहू दिन मनाया जंदा ऐ। इस दिन भारत च पैहले हिंदी समाचार पत्र उदंत मार्तण्ड दा प्रकाशन होआ हा जेडा 30 मई 1826 गी कोलकाता थमां छपेआ हा। इस समाचार पत्र दे संस्थापक ते संपादक पंडित जुगल किशोर शुक्ला हे जिंदा हिंदी पत्रकारिता च बड़ा नां ऐ। अज्ज दे मौके पर लोकसभा स्पीकर ओम बिरला हों पत्रकारें, लखारिणं ते हिंदी भाशा दे विकास लेई कम्म करा'रदे लोकें गी मुबारकबाद दित्ती। इक सोशल मीडिया पोस्ट च बिरला हों आखेआ जे लोकें दे जमीर गी जगाने, लोकतंत्र गी मजबूत करने ते लोकें दे जज्वात उजागर करने आस्तै हिंदी पत्रकारिता इक मजबूत जरिया ऐ।

<><><><><><>

## Haj-Mission Awards

उल्पसंख्यकें सरबन्धी मामलें दे मंत्री किरन रिजिजू हों जानकारी दित्ती ऐ जे पैहली बारी भारती हज मिशन गी हज ते उमराह दे साउदी मंत्रालय आसेआ बेहतरिन ढंगै यात्रा कराने आस्तै 2 लब्बाएतुम पुरस्कारें कन्नै सम्मानित कीता गेआ ऐ। इक सोशल मीडिया पोस्ट च रिजिजू हों आखेआ जे हज 2026 दे सफलता कन्नै पूरा होना एहू दस्सदा ऐ जे अल्पसंख्यक मामलें सरबन्धी मंत्रालय भारती हज कमेटी ते भारत हज मिशन नै साउदी अरब च भारती राजदूत ते जेदा च काउंसल जनरल कन्नै रलिए बड़ा अच्छा कम्म कीता ऐ।

<><><><><><>

## Census

जम्मू च औंदी पैहली थमां 30 जून तगर करोआए जाने आहले घर-घर जाइयै मरदमशुमारी सरबन्धी आंकड़े किट्टे करने दे अभियान कोला पैहले सबनें जिलें च इसगी लेइयै तैयारियां जोरें-शोरें जारी ना। मढ तैहसील च अज्ज इन्युमिरेटरें ते सुपरवाइजरें गी मरदमशुमारी सरबन्धी किट्टां तकसीम कीतीआं गेइयां। सरबन्धत अधिकारिणं दा आखना ऐ जे इस अभियान दे दरान सरबन्धत अमला, घर-घर जाइयै लोकें कन्नै मिलग ते घरें-मकानें ते आबादी सरबन्धी सटीक आंकड़े कठेरना जकीनी बनाग। बसनीकें गी गुजारश कीती गेई ऐ जे ओहू इस सर्वेक्षण गी बवस्थित ते कामयाबी आहले ढंगै'नै सबूरा करोआने च अपना पूरा-पूरा सैह्योग देना। ध्यानजोग ऐ जे जम्मू च ऐल्लै आपूं आनलाईन अपने ब्यौरे दर्ज करने सरबन्धी सेल्फ इन्युमिरेशन आहली प्रक्रिया चला करदी ऐ ते एहू कल 31 मई धोड़ी जारी रौहगा।

<><><><><><>

## NBA ABS

जैविक बन्न-सबन्नता सरबन्धी राश्ट्री प्राधिकरण ने माली बरें 2025-26 दे दरान ए.बी.एस. बवस्था दे तैहत् 21 करोड़ रुपें शा मते दी रकम हासल कीती ऐ। एहू रकम जैविक संसाधनें दे शोध, कारोबारी इस्तेमाल, बौद्धिक संपदा अधिकार, जैव सर्वेक्षण ते जैविक इस्तेमाल लेई दित्ती गेदी मंजूरिणं दे राहें हासल होई ऐ, ते एहू भारत दे जैविक बन्न-सबन्नता सरबन्धी शासन ढांचे च उद्योगें दी बधदी भागीदारी गी दर्शादी ऐ। पर्यावरण, जंगलात ते जलवायु परिवर्तन मंत्रालय ने दस्सेआ ऐ जे इस अवधि दरान, बीए सरबन्धी खेत्तर दा जोगदान सबनें शा मता रेहा, जेहड़ा 12 करोड़ रुपें शा मता हा, एहदे परैन्त आयुष खेत्तर दा जोगदान 5 करोड़ रुपें शा मता रेहा। मंत्रालय ने अग्गे दस्सेआ जे अजें धोड़ी, राश्ट्री जैविक बन्न-सबन्नता सरबन्धी प्राधिकरण ने जैविक संसाधनें ते सरबन्धत ज्ञान दा इस्तेमाल करने आहलें थमां 266 करोड़ रुपें दी एबीएस निधि हासल कीती ऐ। एहदे चा 145 करोड़ रुपे देश भरै दे लाभार्थियें गी बंडु जाई चुके दे ना।

<><><><><><>

## Trump Situation Room Meeting

अमरीका दे राष्ट्रपति डॉनल्ड ट्रम्प होरें व्हाइट हाउस च अपने आला दर्जे दे सलाहकारें कन्नै द'उं घैंतें तगर बैठक कीती। एह्दे च ईरान दे कन्नै युद्धविराम बधाने दे मकसद कन्नै समझौते दी संभावना पर चर्चा कीती गई। सिचुएशन रूम च होई दी एह् बैठक कोई स्पष्ट फैसला लैते बिजन गै संपन्न होई गई। बैठक शा पैहले, राष्ट्रपति ट्रम्प होरें आखेआ जे युद्धविराम गी बधाने दे समझौते लेई ईरान गी होर्मुज जलडमरूमध्य गी परतियै खोलना होग ते परमाणु थेहार विकसित नेई करने दी वचनबद्धता बी जतानी होग। कन्नै गै अमरीका गी अपने समृद्ध यूरेनियम भंडार गी हटाने दी इजाजत बी देनी होग। हालांकि, ईरान दा अखना ऐ जे ओह्दा परमाणु कार्यक्रम छड़ा ओह्दे नागरिक उद्देश्यें लेई गै ऐ।

<><><><><><>

## IMD

भारती मौसम विभाग नै पच्छमी उत्तर प्रदेश, बिहार, ओडिशा, तमिलनाडू, पुदुचेरी, कराईकल ते अंडमान-निकोबार द्वीप समूह च खरी मती बरखा होने दी पेशगोई कीती ऐ। हरियाणा, पंजाब, दिल्ली, राजस्थान, विदर्भ ते छत्तीसगढ़ च बी गरज दे कन्नै ओले पेई सकदे ना। पच्छमी मध्य प्रदेश ते तेलंगाना च गर्मी दा प्रकोप जारी रौह्ग। अज्ज भारत दे उत्तर पच्छमी हिस्सें च बरखा होने करी गर्मी थमां लोकें गी किश राह् थहोई ऐ।

<><><><><><>

## DM-Neitherlands

रक्षा सचिव राजेश कुमार सिंह होरें नीदरलैंड दे रक्षा मंत्री डिलानयेसिलगोज जेगेरियस हुंदे कन्नै दपकखी गल्लबात कीती। इक सोशल मीडिया पोस्ट च रक्षा मंत्रालय नै आखेआ ऐ जे गल्लबात दपकखी रक्षा सहयोग बदाने, सैन्य बलें बश्कार तालमेल च मजबूती ते रक्षा उद्योगिक सांझेदारी आस्तै मौके तुप्पने बारै कीती गई।

<><><><><><>

## IPL

आईपीएल-2026 दा फाइनल मुकाबला कल रायल चैलेंजर्स बैंगलुरु ते गुजरात टाइटन्स बश्कार खेड्डेआ जाह्गं मैच कल ऐतवारें 31 मई गी संझा साड्डे 7 बजे गुजरात दे अहमदाबाद शैहर दे नरेंद्र मोदी स्टेडियम च शुरू होग। कल संझा न्यू चंडीगढ़ च खेड्डे गेदे दुए क्वालिफायर मकाबले च गुजरात दी टीम नै राजस्थान गी 7 विकटें कन्नै हराई दित्ता।

<><><><><><>

## VP-Keralam Visit

भारत दे उपराष्ट्रपति सी.पी राधाकृष्णन होर इक दिन दे दौरे आस्तै कल केरलम पुज्जडन। उपराष्ट्रपति होर मल्लालम समाचार पत्र दीपिका दे स्थापना ध्याडे दे कार्जक्रम दा कोट्आयम च शुभारम्भ करडन। कन्नूर च राज्यसभा सांसद सी सदानंदन हुं'दी आसेआ आयोजित इक समारोह च शामिल होने दा इंदा कार्यक्रम ऐ। उपराष्ट्रपति हुंदे दौरे दे मद्देनजर राज्य च सुरक्षा इंतजाम पुख्ता कीते गेदे ना।

<><><><><><>

## Govt. Oil

सरकार नै पच्छिम एशिया संघर्ष करी दुनिया भरै च कच्चे तेल ते ईंधन दी सप्लाई च आवा'रदी रूकावटें गी ध्यानै च रखदे होई सार्वजनिक क्षेत्र दिएं तेल सप्लाई कंपनिएं गी 30 दिनें दा एलपीजी भंडार संरक्षित करने दा निर्देश दित्ता ऐ। पेट्रोल ते कुदरती गैस मंत्रालय दी संयुक्त सचिव सुजाता शर्मा नै नमीं दिल्ली च मीडिया गी जानकारी दित्ती की भारत च कच्चे तेल दे भंडारन दी छमता बधाने पर बी कम्म जारी ऐ। उनें आखेआ ऐ कि मुल्लै च पेट्रोल, डीजल, एलपीजी, कच्चे तेल ते कुदरती गैस दा सुद्दा भंडार मजूद ऐ।

<><><><><><>